

樹經堂詩續集

騷草

南康謝啟昆蘇潭

己未九月奉 命巡撫廣西留別浙中諸同好  
用吳毅人贈行原韻二首

之江假篆

詔初頒節命旋開桂管間

八月奉 旨護浙撫篆踰

月卽有 是命

夾道歡留諸父老三年夢繫好湖山囊無惹草

速浮謗舫有詩書馴遠蠻

戒書入船 無他物

餘事虞衡待成志

雲中看我控鸞還

一帆穩放暮潮生灘水迢迢盼去旌耀德先教銅鼓靜

君恩戒速成

今春 陸見象  
聖訓求治毋太亟

折徧六橋堤上柳南交

天盡碧雲平

和雒君七里瀧之作

萬里輕鷗復往回白雲指顧忽成堆一竿一笠人何在  
聽水聽風客又來胥浦驚濤辭我去桐山真面爲君開  
戍樓鼓靜帆齊泊漢月依然照石臺

桐廬道中和雒君韻

飲露清如翳葉蜩朱顏未逐晚楓凋載書似飽江船腹

插笏寧煩縣令腰  
五管雲深秋渺渺  
百灘波溯路迢迢  
桐廬翠色當窓見  
時聽歌聲出暮樵

上灘和韻

風勢逆水水波急  
萬斛舟掀魚尾立  
篙師那許聲上天  
雪濺兩脛雨飛泣  
估客貪金往復還  
隔船夜唱翠雲鬟  
世間苦樂一時異  
未能變俗殊厚顏

泊廣洋和韻

竹石一聲裂西臺  
何處逢微微  
印鴻影淡淡  
蘸秋客雲  
谷風泉定月輪水  
磨春客帆天際落  
遠寺報宵鐘

自常山至玉山和韻

三衢雲擁萬山雄，路入江鄉駐使驄。懷玉亭思十年後，

湧金湖夢昨宵中。

十年前獨遊西湖過此

皂雕翮試盤秋健老馬

心知歷塊工膏雨，連村皆樂土豐年。稔黍慰

深宮

連日陰雨

玉山阻雨和前韻

蚩尤逞勢雨師雄，滑滑泥停白玉驄。歸思已馳江閣上，

謂滕王閣

詩情多在驛樓中。飯炊晚稻餐應飽，語學鄉音聽

未工。王事有程心倍亟，祈晴夜叩紫虛宮。

訪王西園於拂曉樓邸寓用前韻

奔濤起壑萬夫雄，帆健輕於躡電驄。  
樓閣憑欄坐天上，雲山潑墨入毫中。  
逡巡盼遠持旂節，珍重臨危命棹工。  
却羨先生饒逸興，烏絲格寫九成宮。

是日西園方界烏絲欄作楷書

次日雨霽登前韻

蘭臺威戢大王雄，帶濕朝雲送客驄。  
去岸晚楓秋色裏，前灘白鷺水聲中。  
風波三日行宜慎，安穩連檣計轉工。  
西望鬱林江路迥，蒼梧帝子洞庭宮。

舟中卽景登前韻二首

寒敵霜威酒力雄舟行勝控五花驄烟籠茅屋疎林外  
秋在蘆灘淺水中敝出遠山供畫本翦來紅葉借春工  
蓬窻唱和借朋友一榻何殊半畝宮

巉岩突起狻猊雄列岫奔如注坂驄水長一篙帆半面  
灘迴百里日方中京坻高下豐登樂橘柚丹黃點綴工  
聞道貴溪山更好洞天擬問上清宮

見岸上木芙蓉有感

琉璃上徹蔚藍天宛有翻鴻照水妍一見驚心添別恨  
三秋感我又華顛微霜點點滋紅淚淡日輝輝化紫烟

回首蓬山愁道阻爭教聯舫不情牽

雁字和前韻二首

界破青瑤雨後天休同野鷺辨嬾妍誰家繫帛秋先到  
逸客揮毫醉欲顛蜀國西風傳竹素齊紈夜月寫松烟  
江南消息憑君問樓角燈殘旅夢牽

鵝羣換得水中天整整斜斜勢更妍信並紅鱗來夢裏  
碑成碧落妙毫顛揮絃客正迎殘照藏墨堂初揚紫烟  
看到黃昏愁不寐相思錦瑟舊情牽

安仁道中



東風吹我故鄉還尺五寒江白石頑懷玉之西流逆水  
形冢以水西流爲逆貴溪以下岸無山鬱蟠龍虎成靈境控制澎  
湖出大關明日瑞洪輕舸去滕王閣上一開顏

蘆花疊前韻

扶植無人但信天蕭疎蓬徑耻爭妍獨搗月影兼風影  
不在山顛倚水顛湖外低圍三尺雪洲前斜撲一痕烟  
秋波未遣芳情隔采采從之葦可牽

到南昌喜而有作兼別諸戚友二首

西山別我已多年繫馬重逢傑閣邊畫戟朱旗聊復爾

寒潮極浦故依然素絲豈爲高官改青眼應邀故舊憐  
瞬息湖帆吹百里客心已墮雁峰前

鴻雪香雲一繫情行行且止灌嬰城歸來借榻程三日  
促去當官鼓五更抱犢著書虛後諾乘車戴笠記前盟  
恩深不逐還鄉水敢慕韓公畫錦榮

有感二首

喜極忽生憐低徊錦瑟年羅幃劉徹夢綉被鄂君船誓  
矢同歸日魂招獨夜眠殞宮今在望洒淚湧江泉  
痛汝成愚孝黃泉送母歸有發持婦道一子蔭

恩暉

孫振晉補廕  
光祿寺署正

別鶴鸞絃折慈烏繞樹飛  
灘江千里

路魂夢定相依

過永福菴贈達華長老二首

禪榻懷初服茶烟證上乘  
前身房次律妙偈佛圖澄  
籠壁詩牌在開堂法鼓騰  
恒河同照鬢面目改何曾

前年一相訪杯渡過錢塘  
僧臘同余老羈懷爲爾傷  
歸叅迦葉諦共飮菜羹香  
何日結茅舍分燈青豆房

題如如居士圖

居士本無相拈毫已了然  
箇中叅活法象外裊香烟  
八

萬四千偈孤懷三十年披圖一回首電轉佛光圓

羅墩吟

紅寥洲前花捲雪中有羅墩傑構出臺殿築成江水咽  
謂是西江萬姓血我舊息影憩家園曾攜勝友過此墩  
茅茨不剪瓦椽古竹樹無多壇影翻何人歛怨興土木  
木石之妖鬼夜哭牽連遷謫到龍沙歎息繁華委金谷  
傳聞連騎出平林華筵一宴輕千金急鼓煩絃驚鶴夢  
銀缸翠羽亂波心憑空樓閣本無主萬樹桃花泣紅雨  
日日處堂燕雀嬉巢焚棟折將安處桑梓重來不忍登

達官迴馭里人憎似聽喪家犬夜吠偶逢黑月漁中燈  
安石有墩互爭奪誰料棄之如屣脫西山暮雨生客愁  
南浦秋波渺天末我言成敗不由此昔有落星飲文士  
晉汾豎鬪寇萊公石魚湖泛元刺史大夫有善及斯民  
洛陽臺樹皆生春習家池上側烏巾先憂後樂寧無人

別蘇潭四首

秦 詔天南道故都丙魚丁酒

南昌出丁坊酒極美親友餽者甚衆話粉

榆不施僣從銀燈屏怕觸鄰家屋上烏

遲我天香放滿軒

香雲書屋桂花初放

迎人老樹恰當門歸來燕

子重簾捲梁上巢泥認舊痕

尋思屐齒印苔踪記否廊廂迥有路通白鶴一雙先我化

亭前碧樹幾秋風

來鶴亭雙鶴已失去

孺子湖邊駐客車馳驅王路敢思家懸知去後蘇潭月  
只照當時手種花

十月十日舟發南昌張晴舫中丞率僚屬送余  
於滕王閣賦詩誌別

夜雨全收雁陣餘傾城祖帳擁輶車漫勞都督臨高閣  
耻學相如艷故閨幾日別家翻似客三秋作賦定慚予

蘇潭雲影章門月相送灘江照畫旗

豐城懷古

張雷占斗殊多事尤物飛來破次寥博古書生矜藻鑑

酬恩壯士鬱雲霄瀾回鴻鵠陂仍復匝孕虬龍氣未消

二十年來重繫榜疎山秋水漲溪橋

疎山豐城寺名  
元何太虛有詩

讀薩天錫雁門集有吳山女道士詩卽浙之丁

仙閣也感念舊遊因和其韻

曾探寶藏識龍威回首山川景物非化鶴當年清節在  
騎鸞何日白頭歸洞中日月仙凡驗閣上烟雲墨瀋飛

三載登臨付陳跡俗緣未換羽人衣

過清江懷楊清恪公

袁江淥淨水縈紆清德楊公古大夫千里飛芻唐轉運  
四知却饋漢司徒江淮得寶歌楊柳艫舳銜恩八畫圖  
豈但河渠勒成志先生經國有良謨

和沈秋渚樟樹鎮懷王文成

征宸濠  
誓師處

聚米山成勢操戈陣刻圖救寧剛六日談笑祇羣儒天  
子方行狩功臣痛剝膚至今樵舍畔婁妃  
卒處夜雨泣菰蒲

過分宜望鈐山堂有感



玉殿青詞聽步虛十年聲望重簪裾滿朝隊遂昂鷄後  
一土軀捐臧鳳餘安石那堪居政府彥回應悔作中書  
冰山未敵椒山永豈待華亭疏力鋤

過宜春引袁筠齋先生

諱芳松雍正乙卯舉人  
官給事中位至大廷尉

予告卒  
於家

黃門舊望鶴鸞姿閉戶清齋下值時論事君真如萬石  
忘年我及友袁絲比鄰風雨京華接廿載松楸父老知  
今日車過須腹痛雙鷄斗酒涕漣洏

袁江灘行

渝水清可鑑，哀石秀而瘦。澹澹介溪來，轟轟鈴岡秀。日  
光與水爭篙聲，并石門老夫推蓬望。櫛髮起含漱，無魚  
撒網空。有鷺翹足候紅爛，看楓林黃垂摘橘柚。兩邊開  
畫圖，終朝玩左右。迴渦如箭激，疾下若卮漏。十夫牽百  
丈一步一逗留，藜藿纔充腸，朝衣不掩脰。形癯同鶴鶴，  
行輕捷猿狖。鷺子礙船腹，赤腳負而走。偶然一失勢，敗  
絮補其竇。幸無重淵深不勞，一壺救遲速。彼岸登安穩，  
布帆湊漫羨江南舫。攤錢守白畫。

贈袁州守王石長二首

洗手錢塘上南屏聽晚鐘秋風一回首哀水又相逢石  
屋探奇策書堂訪舊踪江清行可涉采采玉芙蓉

風流推大令門巷共烏衣前輩司農識循聲太守稀白  
雲岩欲合紅葉雨初飛拚醉宜春酒萍風襲錦鞵明日赴萍鄉

曉行

薄裘剛試曉風吹寒日清江入畫奇天末霜林紅靺鞨  
空中水荇碧玻璃烟生矮屋人初起露濕喬松鶴未知  
聞道今年米價賤隔船炊飯雪翻匙

李松圃自粵西來縣于舟次劇談達旦時奉其

封翁樞歸壑臨川賦詩志別四首

並舫忽相見挑燈疑夢還  
星霜已踰紀鬢髮未全斑  
落月同清話觀河照舊顏  
飛騰興仍發息壤在西山

同心千里應襍被一舟聯  
論事狂猶昔吟詩直到終  
當盟白石豈敢負蒼生報  
主精誠結中宵劍匣鳴

羨子終咳養高堂九十翁  
曼卿喪恰到方叔遇寧同  
鸞詒承天澤牛眠卜土風  
重泉定含笑鳳噓有孫桐

問訊蘇潭樹維駒過做廬  
出雲真愧爾飲水尙箴予  
桂海風烟靖蠻天瘴癘除  
西湖春可戀慎勿久安居

松圃將有

西湖  
之行

蘆溪道中口占四絕

萬樹青濃冷不凋，西風曉騎雨瀟瀟。  
鄉間導從無呵禁，野鶴看人過板橋。

百里西來接楚岡，麥苗種少稻孫長。  
茶花結子茶油賤，茅屋風吹煮菜香。

淫雨袁山似玉山，蕭蕭鈴鐸度鄉關。  
黃泥膠路輿夫健，賴有紅心草未刪。

宜風古鎮問仙靈

名仙  
峰鎮

湘雁雲飛入渺冥，杉樹萬行

無曲榦樵風子落爨烟青

雨霽卽景二首

朝來鷺鴨散平田寒日濛濛淡淡烟馬上但看山色好  
前旌已報度萍川

歲晚農人亦未閒白雲牛背擁深山翻犁便作明年計  
放出溪流綠一灣

萍鄉早發

萍水香生駐小舸行人曉色上弓刀五金山秀出層霄

上雙鶴飛來九嶺高津鼓稀聞厨傳減風花送客使君

勞石華臺畔徵多識楚寶何年得再遭

十四夜月口占四絕東沈盤谷鄭魚梵王沛堂  
素娥鞭月出寒波露白風清玉鏡磨十日離家猶照影  
權人聽唱楚音多

波光上下相摩盪驚起林間鳥雀栖願假東風相送便  
銀沙灘上一帆西

靈泉美醞凍玻璃味與丁芳共品題夢醒啞啞何處宿  
霜啼綠樹月輪低

四子聯舟講德同笛聲吹落晚江楓十分借得團圓月

看到天明捧日紅

湘東驛

戍鼓沉如報五更竹輿欵欵指前程山魃月黑聞相語  
水烏霜濃夜自驚七瑞故宮雲渺渺三湘遺澤水盈盈  
黃花古渡無人問聽徹渝歌亦動情

淶口

一作淶口

麻山導萍水瀏陽徑白沙二流會一口淶瀉聲聳牙潭  
深黑如鏡石時飄落花琉璃不容唾貫月來仙槎有船  
未盈丈其名爲倒屣以前作後行張帆篙可拏下灘駛



於鳥灑瀕飛三巴逆流亦能溯柔櫓攄咿啞不畏風濤  
惡但愁道路賒舍舟而遵陸涉彼西山涯王事戒靡盬  
敢興行役嗟

湘江弔三閩大夫

波飄菰米汨羅寒青草湖連澗口寬風俗操瓊信巫鬼  
人家汲綠煮琅玕秋風自古吹芳芷江水于今怨子蘭  
憔悴招魂潭上月靈旗彷彿下雲端

望衡山

鬱鬱炎精樹寶幢帆隨九面拓船窻空中華蓋朝仙闕

天半朱霞射楚江五月南游金簡在三苗北而紫氛降  
無煩禱祀披雲霧便欲乘風度石砭

弔湘妃

九龍下戲洞庭水攀髯不上玉顏死雲夢澤咽君山頽  
血淚染成竹斑紫裁爲玉管吹參差望君王兮結所思  
三湘無夢渺何處九峯有棺皆可疑岳陽樓上奏羽笛  
江花落盡江草碧龍耕鳳輦不歸來蒼海雲深石欲裂  
黃陵廟前子規啼女蘿雨滴風淒淒韶山在湘陰不聞韶  
石響鄉人夜賽竹枝詞屈子爲君作騷賦秣馬蘅皋一

迴顧不關南狩進膠舟信有芳魂眷鑿輅千古貞風推  
第一漢上游女慕清節人間雜珮辭明璫江上青峰怨  
瑤瑟

衡山道中雨東沈秋潛

石燕飛空晝欲暝君山雲氣滿蒼冥行人似鷺灘褫立  
瘦馬如驢蹶躡停薜荔濛濛山鬼嘯波濤淅淅洞蛟腥  
憑君試鼓清商曲吹出芙蓉一半青

回雁峰

行客忽停棹風回落一聲江南多少婦莫觸別離情

黃茅驛

縮酒青茅用衡陽水可沽洞庭供禹飲黃茅入貢無

响嶠碑

俗吏真堪笑羽書徵洞碑至今七十字烏篆盡人欺

九嶷墓

帝王無擇葬巡狩卽爲家二女不同穴吹殘玉琯花

湘妃竹

一點淚痕結萬古不能滅裁爲合歡扇團團怨秋月

永州弔王蓬心太守

名震由中書出爲司馬陞  
永州守丹青妙絕一時老

病乞休終

於湖北

聶也揮毫醉後頭一麾老守太迤邐畫厨已作飛蝴蝶  
酒債長輸質庫錢

京江握手話匆匆四十年間歎轉蓬石谷麓臺家法在  
溪山滿目付西風

永州弔柳宗元

粘天無壁洞庭烟萬里南遷瘴海邊歌嘯尙憐奇氣在  
山川終賴妙文傳羅池寺古羞丹荔鉤鈿潭清溯舊泉  
年少才多遭擯棄賈生同恨泪潸然

涪溪碑

漫卽舊宅湘水曲上有穹碑照江綠元公作頌魯公書  
千百餘年尙可讀書生耳食牽文義靈武卽位謂何速  
上皇西狩烏夜飛九廟將墟杜鵑哭汾陽未捷潼關危  
回紇兵驕范陽毒馬嵬變生安可知要莫乾綱理坤軸  
不有中興繫衆心安保澤小無變局猪籠無種葬嶠囑  
鳳輦歸來憶岷蜀趣取大物寧得已離間兩宮咎誰屬  
南內無人歎淒涼李父張后情反復至尊若果全溫清  
力士何須遠擯逐卜貳剛也秦飴甥國有君兮明忠肅

乘權達變今古同走也嘗學斷斯獄蠻天風雨洗莓苔  
詩成試以質山谷

過祁陽有感

紫蓋香爐氣鬱葱活溪故第燕巢空珊瑚奪得從王愷  
金谷拋殘笑石崇藏匣玉杯終易化欺人廣鼎信難工  
朱門舊雨今何在漫說黃扉有素風

弔元道州

守官卽守道正士操不更卓哉元刺史賦役無敵榜安  
危視民命一官寧重輕休閒便結宅三吾被我名石湖

初冬暖氣尙蒸霞草綠湘堤一道斜白日欲收翻照影  
滿山開徧赤蘭花

山外青峰翠不收長松黛色接天流後凋更免樵蘇伐  
萬古清風起鬢虬

陡河

湘灘會中江分水若濟瀆其淺不容刀勢如建瓴速渠  
成萬世利濫觴自史祿戈船下瀨水伏波開南服後來  
餉道通陡門三十六水性本習坎利用占小畜瀦土象  
月陂編障剖霜竹一夫守一門三折波三伏前灘虹堰



决下船魚貫逐頃刻切堂竭募舟盪平陸艱難聚升斗  
馨鼓勞更築輕纜航一葦久乃運千舸未能趲快帆亦  
免遭溺覆嗟爾利涉人慎勿憂局促召埭安石留鴻波  
子威復將挹九江波注此三湘綠

甘棠橋望桂林諸山二首

宛虹渡口翠成圍山斷仍連望欲迷萬馬奔騰從地起  
朶雲重疊覺天低人無菜色年豐樂道有松陰俗整齊  
獨秀迺余如舊識衙齋畫待新題

掌上星羅特怪奇是誰挾取位參差漫勞巖窟開千嶂

不肯雷同學九嶷杞梓雲霓鬱靈氣文章節義孕瓊姿  
碧桃館畔仙風暖有靈寧容上桂枝

抵桂林視事紀恩述懷四首

控制炎方五管通黃華嶺畔駐花驄掃除霧瘴揮毫外  
指顧山川聚米中月照桂江收駭浪烟銷銅柱卽奇功  
弓衣繡出平蠻頌撫字攄忱答

聖衷

奉 德批以安邊撫土司爲要務  
嚴飭客民剗削土民一視同仁

墨丸磨盾賦新詩枉費將軍百萬師不信石多人獨少  
頗聞地瘠吏猶疲閩關質樸江鄉似獐獠安恬

聖主知一斗中鹽三尺錦可能直節比朱絲

前年蝥爾連黔境螳臂當車豈所甘赤子何堪分主客  
皇心早已眷西南連村雨重圍青箐十月寒深擁翠嵐  
吸盡西江沆腸胃不憂蠱氣下金蠶

當年象郡久傾心况復興朝服化深書笑唐蒙輒畫  
策裴輸陸賈不言金翠禽有毒泉休飲仙穴通靈石自  
吟閒倚青鸞攀桂樹定教泮水變鴉音

嶺石介在荒服與南交接壤非得文武兼資之大臣不  
足以撫犵獠而綏遠俗自來持節者代有名賢惟宋之  
范致能以詩人而爲鎮帥尤人所豔稱不置中丞南康  
謝公起家詞垣洵歷方岳所至皆有異績於公暇獨好  
爲詩頃自浙藩來撫粵西由常山取道歷蘇潭之舊居  
登滕閣之高榭涉湘沅望衡嶽得詩一編仍從石湖取  
韓語名其所作爲驂鸞集攷文穆之知靜江史僅載奏  
罷酒司配鹽一事公自下車後卽斷斷以察吏安民爲  
已任兼之脩陡河以便商旅輯省志以備文獻行見百

廢具舉事集而人不勞又宋詩自南渡後雖以尤楊范  
陸並稱四大家然致能之清麗未足敵務觀之沈雄公  
詩則宏博奇偉森豎風飛經庫史宓包孕萬有使遇肩  
山黔安直可與並驅中原有非石湖所敢望者以倫同  
習爲詩甫謁見即出全集授讀倫嘗怪世所稱騷壇執  
牛耳者多好爲纖側柔曼之詞致於風雅之道日遠曾  
與吳生蘭雪論之今讀公集如聞鈞天廣樂其聲動心  
不覺其手之舞之足之蹈之也又聞公之爲詩也思類  
湧泉文成翻水初若不甚措意而格律精嚴含蓄深遠

他人縱琢腎雕肝終莫能逮此蓋有得之於天者豈徒  
空齋蹋壁撚斷吟髭之所能爲哉嘉慶庚申春正月陽  
湖屬吏楊倫謹跋

銅鼓亭草

南康謝啟昆蘇潭

柳州蘇軍門毓菴以黃芽菜及名駒見貽答之

以詩四首

忽枉嘉蔬餽傳來細柳營瘴烟根不染冰雪味同清寒  
淪三冬甕香添七種羹將軍眞解事肉食笑簪纓

今年逢國忌蔬菜恰相宜况對家風舊彌深素食思  
分甘僚幕共勵志友朋知天馬隨場藿班師憶蜀垂

標下

兵有出征四川者時教匪將平

蹴踏萬重山來從藤峽間知途如老將中廐比天閑  
紫電開重霧雄風震百蠻據鞍思一試矍鑠愧衰顏  
騫駘驅下乘款段想當年報

主長鳴櫪嘶知慕執鞭秋風思歷塊東道欲朝  
天傳看喧都邑驍騰邁九邊

題張憶娘簪花小影爲鄭魚梵作

名姝名士兩情癡歎惜風塵落拓時絕藝可憐翻玉腕  
千金誰解贖娥眉黛螺傳寫虞山楊子木紅豆相思繡

谷蔣深詩對此青衫休下泪先生雙鬢未成絲



題柳如是小像二首

書生巾服丈夫心半點疏憊夜語深  
迳室捐軀如葛嫩  
虞山殉國愧孫臨不逢李靖悲紅拂  
辜負文君托素琴  
萬卷絳雲同日盡丹青玉貌未銷沉

丰姿濯濯畫中看金屋裝成七寶欄  
賤妾命輕生似寄  
尙書情重死應難  
爛衫錯認黃崇嘏  
墨妙流傳李易安  
燕子樓空綠珠去白頭千古發長歎

己未除夜雪至元旦未已志喜二首東學使錢

襄山

梅放新枝桂吐英

盆桂有開者

又看飛霰集山城清光忽照

屠蘇酒癘氣潛銷爆竹聲政閱六旬迴玉斗

視事兩月矣

春

先百粵起蒼生田家麥熟占炊餅邊徼同歌澤澤耕

灘水初冰蟲不語歲朝有雪犬先驚種瓊天靳蠻中士

擁錢人憐蜀外兵殿上衣曾沾學士座閒簡試授諸生

與公共享豐年樂譜入南交雅頌聲

初二日夜復得大雪連旦積厚三寸許裴山學

使疊前韻索和率成二首

連宵清氣擷飛英桂嶺真成不夜城詩戰星堂寒有彩

永堅銅鼓靜無聲，敷天縞素春初轉。萬里松楸感易生。

時

上方恭

裕陵編戶獐豨歌

帝力行催火種與刀耕。

句送銅山花又放，濤翻銀海夢頻驚。三朝瑞應連三白。

五管風和靖五兵，蔡園中省馳壯士程。門幾尺立書生。

蠅鳴石鼎休聯賦，恰遇春雷始發聲。

元旦聞雷

### 廣西使院銅鼓歌

震雷號號春風鳴，戟門晨啟錚有聲。有鼓范銅質渾噩，  
何年掘得陳前楹。傳聞遼陽金節使，百夫輦致來荒坵。

八桂林振動朱鷺七星崖吼飛長鯨時有哀生客蓮幕  
授簡作賦羣僚驚枝辭無根失考据妄謂鑄出伏波聲  
不讀漢書競弁雅鴻裁竟欲誇西京扣銅未遇張華識  
好龍空博葉公名駱越家家寶此物以禳災肯祈神明  
新息聚之立馬式峙金銅柱高崢嶸唐宋以來代有作  
羅獲多從漁與耕磔犬卜鷄賽叢社面具儼隊驅邊氓  
奔走狄豸獐獠獠超越笙簫饒鑼鉦南交合樂教子弟  
胡廬竹管交縱橫山魃夜避瘡鬼畏沙鑼瓦缶難盆爭  
道元浦通記井邑石湖志器訛虞衡

范石湖桂海志亦  
以爲伏波所遺

鼓高尺五徑三尺六蟾蜍現紋工精形如坐墩空其腹  
金釵銀櫛敲彭鏗彷彿赫連及天慶上無款識兼箴銘  
撥蠟雖非三代製撫物頗驗五溪清學使有鼓樣差狹  
新得銅鼓亦大小叩之皆訇訇軍府置此亦何用聊佐  
笳吹節嚴更粵吏瓏瓏俗多玩用代木鐸誰其聽或云  
軍行奏華卸書生耳食安知兵方今

聖人銷劍戟刁斗夜息荆襄平玉燭調和鮮疵癘吹幽  
擊壤賡由庚搏拊天球曷貴此開金撫軍鏃曾以一鼓貢內府瘴雲

蛋雨開晶瑩才慚韓蘇詠石鼓黃鐘大呂啞寸莛鈴閣

傾尊示座客聊備郡志添圖經

正月八日迎喜神於郊外是日三營合陣紀事

二首

兩省積雪潤芳埃秀嶺瞰明舊將臺

嶺有諸葛臺

春草未生

旗驥合宿霾全掃鶴鵝迴旌旗色向庚年煥

三營旗幟甲冑有朽

爲者余捐廉飭令一律修整組練光從癸水開翼斂箕張飛鳥捷佛

即機發一聲雷

承平偃武但修文堪笑儒生作撫軍將相朝端宜豫

習兵農闡外豈區分連營部種三春柳千里烽銷八寨

雲西望岷峨騰露布金門喜氣自氤氳

飛來鐘歌爲裴山學使作

鐘在太平土州北二里賦廟村側交趾思

琅州刺史兼廣源思琅等州節度觀察使太傅宏農郡公楊景通造戶部員外郎充集賢院學士曹良輔撰銘稱會祥太

慶四年正月十五日記

太平校士得銅鼓又得交趾飛來鐘袖出銘文七百字  
文昌樓散嵐烟濃富良江水夜喧浪板棧山郊朝鬥龍  
天狗如雷墮地震蝦蟇失響群蠻聲瘴草奇花互縈帶  
沙鳴石擊交玲瓏何年綠暈土花蝕州人摹揚苔猶蒙  
高四尺許圍倍之誰其鑄者楊景通椒房玉葉觀察使

宏農食邑開國公奕世顯榮贊謨畫報主頗効藩宣忠  
乃命冕氏範大治趙趙猛篋千鈞銅象與包錦峒豸集  
島嶼鼓榮炎雲烘九乳四時制未備雕題椎髻爭磨礪  
集賢學士工珥筆駢體似襲初唐風界浹三千和十二  
銘文莊嚴妙相誇金容跼焉俗亦漸文教延齡慶祝開梵  
宮會祥太慶孟陬月建元不與鍾氏同  
鍾淵映建元考無此年號小  
國僭號方策失赴告難益中華隆宋之中葉失遠馭占  
城不貢猶加封日尊自帝號大越弔贈反謂嘉其恭廣  
源思瓊予所奪三州官吏歸艤舳是時刺史兼節度鑄



器恰當乾德中神物失後兆國亂陳黎屢禪蘿圖終  
聖代柔遠却珍獻朱崖翠羽隨時充此鐘不稱博古樣  
敲火礪角任牧童鹿苑舊曾和弼鼓龍編安得登大鏞  
廣州法性事相類南山風雨東門東靈鷲飄來星隕石  
物理感召難推窮先生待問如待叩東序西序音鴻春  
金聲不廢昧僞奏十二州郡曠發矇訂訛考異資博雅  
吉金羅篋超歐洪

正月十四日偕楊廉訪馥齋王觀察梅岑暨邱  
崔二太守登七星崖晚飯棲霞寺襄山學使以

微恙不至卽席口占二律卽東裴山

手斟北斗上觚稜一碧虛涵御氣升  
支取元宵天半月坐來高閣酒邊燈  
烟中燬火明千點雪後嵐光綠幾層  
我輩游仙夢難得金堂欲訪病無能  
余無濟勝具洞中諸景未能徧覽也  
印床封後愜幽尋碧帶瑤簪探處深  
稔歲恰當珠樹合幾人能遇月華臨  
賓僚未減南樓興笳鼓常懸

北闕心湘瑟無聲江上遠待君高唱過層陰

棲霞寺和壁間陳文簡公韻二首

方舟靈劍溯橋東霞蔚層城上界通  
孤葢濕沾融樹雪

兼裘寒禦試燈風亭虛皎月樵踪歇人去青衣笛響空  
一徑僧房散花竹飛鷺向畫圖中

說法西來剩講堂高僧應笑出雲忙忠魂浩氣吟如舊  
白骨青山事可傷前輩登臨悲宦海多生患難結慈航  
洞崖預想宜三伏休暇還同坐乳床

附錄元作

陳元龍

聯舸鐵纜鎖城東仙徑巉崖有路通滿目烟霞開寶  
刹曩時忠義翊宗風溪流斷續泉聲咽石磴欹斜屐  
跡空躑躅浮漚綠未了重來登陟雨花中

珠林西去有書堂講學明農往事忙壁立青山還似

舊抱來赤子歎如傷

院西育嬰堂  
余所創也

宦途老去猶浮海

禪侶前因想渡航擬向遠公求解縛跣趺雙足一冰

床

正月十六日開志局于秀峯書院志事二首東

襄山

臨川舊志已消磨

李穆堂  
先生

桂管圖經孰正訛七十年來

傷散佚三千里外費搜羅採風端賴輜軒使紀事深求

著述科鈴幕晝閑邊務少可容老子共編摩

落燈時節載書來秀嶺春歸別館開敢詡衙官偕屈宋

謂二張任王  
關周諸君

須知鼓澤有鄒枚

謂胡稚君  
朱小岑

龍編盡入探

驪手象譯應資博物材文簡事增師掌故蠻陬典冊上  
蘭臺

是日同裴山學使會考書院諸生于貢院復和

前韻二首

璞玉淵珠要淬磨輪扶大雅變澆訛鴛湖藻鏡開文苑  
桂梅珊瑚入網羅莫負項斯邀共譽休教李邵愧登科  
今年薦士遭 隆運發篋陳書慎揣摩

雍雍巾卷筮朋來預試新鷹健翻開筆下蠶喧春食葉  
案頭蟻戰夜啣枚六經合聽笙簧奏百藝兼收杞梓才  
試帖以六經鼓吹  
一樹百獲命題並轡招邀文字飲昨宵燈火剩樓臺  
裘山飲余  
于使院

遊壘綵山

山有穴俗  
各風洞

混沌鑿鴻濛粵山天下最茲山枕城隅離江作襟帶層  
嶂煊綵霞半空展妙繪瓏玲仙竅虛腹穿透其背石扉  
闢半扇神工太狡怪剗然天地分別開一世界北牖收  
平川萬象不能外日月互吐吞風雷鬱明晦蔚藍光倒

香曠蕩出榛蒼頗憶吳淞景百里見烟靄我來日和美

劍吹息大塊晴多歲事宜粵西少晴今春獨多興適冥

搜會蘭足平不陂石稜險勿礙坐容茶榼攜宴却酒船

載數武接精廬去秀峯書院甚近書聲答松籟較量七星崖吾

寧捨其大

隱山

出郭羣峯拱西來撲空翠鶴夢時一驚老僧逐客至招

隱隱者誰含笑屏車騎窈窕窮幽崖六洞荒其四父陽南華

白鶴嘉蓮其前曰朝陽白日燭魍魅亭廠收綠雲溪環俱不可入

散清吹何年祀老君虛龕鬱紫氣天骨無皮膚森森劍  
戟利陰寒不可留翹首出荔蔚畧約過山陰勢若半空  
墜戶牖砉然開石磴轉幽邃竇泉翻以深疑有蛟龍睡  
刻像坐盤陀水月吐光霽道德三千言維摩第一義以

茲改洞名是一本非二

朝陽洞今名老君  
北牖洞今日觀音

造物包瑰音

待人發珍秘緬懷李濟之觀察勤吏治鑿渠障灘江看  
山乃餘事元崖與白龍南溪讀游記發隱復此山芟舍  
標圖誌副使吳武陵被酒狂無忌濡毫紀始末曲折詳  
所莅名重山靈借風高宦蹟異淳熙昔盛時羣賢詠觴



萃西湖雲錦彫畫船管簫閣千山觀已墟榕溪閣亦廢  
寥寥六百年中更幾榮悴臨川九十翁粵人重高誼墨  
華鐫四壁梅檀捨初地結構雖云新題字亦屢易竭來  
話繩床偶爾息塵纒山桃花放紅遲日正暄媚撥煩君  
肯來茶鼎聽松沸笳響催人歸移文我滋愧

是日歸飲裴山于署齋裴山賦詩見謝和韻二

首

何人採隱性情偏洞府疑通小有天石爛已無唐代碣  
墨痕猶帶宋時烟禪叅白足高僧傳道訪黃庭內景篇

閒話粉榆老居士春厨香積有山田

寺僧吉安人臨川李丹臣捐田數十

畝爲香  
火之資

雲壑攀躋路豈修春風結軫賦文游  
看山青眼心同喻  
止酒空尊轄亦投袁山不飲酒  
談笑不嫌鮭菜薄  
招尋擬盡  
桂林幽仲文別有湘靈曲未唱先邀白雪酬

元祐黨籍碑

洛陽亂兆鵲啼血南人作相變成律白眼王公新法行  
後來補救賴君實垂簾后設僉壬乘誤國老奸托紹述  
章疏編類昭來茲生此南荒死例秩建中賢佞朝益進

崇寧黨籍詔尋出令下三省宣明堂端禮門前刻御筆  
邪正三等舉錯乖盡竄諸賢恨未雪顯謨閣旣圖功勲  
景靈像又褫籙紱遼人相慶相司馬孰料元惡公首列  
走卒亦知文正名安民流涕愧錫碣徽廟用人如奕棋  
乃云害政靡佚罰司空尙書奉勅書命曰彭輝闡先烈  
大書深刻頒州郡摩崖萬丈久不滅羅織三百有九人  
甲申重勒此其一宰臣執政餘官該道學文苑一網畢  
星變夜半搥青珉桂管邕管獨無缺寶鼎鑄金禦魑魅  
不及此碑鎮崖穴虹光萬古燭斗牛瘴雨蠻烟洗愈潔

獨怪曾章亦竄名正如冰炭不相入  
驢媚蛇行非所羞走險殺人真可必  
持正乞憐蔡確門宵小翻廁士林末  
八十四人覓遺傳是非青史要區別  
蒼蠅白壁安能滑論定豈俟蓋棺日  
梁左丞孫有祖風沈大夫齋幕前哲  
慶元嘉定一再募並揭天地照日月  
龍隱之崖蛟螭護真仙之洞電光掣  
子孫得此誇幸榮奕世寶之母墜失  
汴京一炬艮岳灰此石却未遭轟裂  
瘦金妙蹟今無存紙尾流傳太師跋  
波磔似用楊球書鈎勒如入大觀室  
諸公浩氣畱間阿元長醜聲在簡札  
撫碑三復朋黨論

千古清流禍一轍

按此例廣西有二一在桂林龍隱崖慶元間梁燾曾孫律重刻一在融縣

真仙崖沈千裔孫暉嘉定年間重刻碑內三百九人崇寧三年重定者也內宋史有傳者八十四人秦黃晁張入文苑傳程頤道學傳曾布章惇吳處厚姦臣傳不皆正人與蔡京忤故竄人耳靖康之禍實始于此考古論世能勿

明然

胡維君以 賜秩述懷詩見貽奉答四章兼志

賀

曠代賢良舉新正

詔旨頒頭銜階六品心跡服雙鷗驛騎徵頻下烟霞癖

未刪名高畱薦牘風雨憶環山

經義胡安定高踪皖口亭徵君頭未白當路眼尤青少  
日傷風木同懷賦鶴鶴顧名真不忝讀檄涕交零

山川往來共吳越嘯歌餘千里蘇潭夢三年研觚居畫

中鴻爪雪

君有匡廬識面環山小隱清源草堂諸圖余並爲題句

隴上鶴頭書穉

古殊榮荷登科定不如

雅材三百合

部文內開章天育等十六名給咨引見李世榮等二百六十六名准給大品俱

帶孟道光等二十三名分別給與匾額共三百五名

綸綽九州同君獨悲遺澤

循良念父風輿圖搜嶺外經籍校滄中薦士逢嘉會飛

騰慰老翁

黑神廟二首

祀元平章也兒吉尼詳  
學使許承基碑記

平章一旅抗湘濱守土終爲不屈臣  
生遇紅巾能殺賊  
死傳鉄面合稱神  
西濠戰骨餘荒壘  
南嶽招魂認後身  
唐兀余公同姓氏  
未登元史孰傳眞

余忠宣公關  
亦唐兀氏

嶺蘩歲荷使星臨  
叔重祛詭証藝林  
勝國多猜畱廟貌  
孤忠不沒見人心  
龍池氣鬱風濤壯  
寶積山連雉堞深

公築桂林新城

功德及民宜俎豆  
急編志乘表幽沉

省志

楊子春有記  
不載黑  
神廟

銅鼓亭落成詩以紀之四首

步履尋廨東披榛得幽曠八面收江山一亭翼其上移  
鼓懸於中譙樓屹相向改作既不勞天然合佳樣遠樹  
排窻來花菴答梵唱飛鳥噤不鳴行人但首仰萬戶曙  
烟開清響發悲壯

小吏爲余言鼓舊弃荒圃馬搥指過客苔蘚闕風雨後  
來陳廨事左右儼賓侶今更登亭上位置誠得所彈指  
七十年顯晦誰爲主棄日委瘴鄉用之升玉虞勿憂齊  
瓦缶終當譜樂府

亭占位在震鼓亦宜於東其時爲太蔟其音中黃鐘奏



不藉矇叟十吏供磨礪牙旗喧作隊翠榜懸當中非時  
戒勿考恐動灘江龍老我夜無寐怕聽千杵春銅丸禁  
輟摘戛擊任天風

獨秀峰月照賓從相追隨老夫興不淺時復一登之叅  
軍作蠻舞高歌拓戟枝酒酣擊銅鼓起賦從軍詩競病  
和敲鉢應節吹參差淵淵作金奏霧撒天南垂樓上逢  
佳節坎坎君勿辭

同襄山謁舜祠坐南薰亭憩韶音洞晚飯暑齋  
得詩四首

蒼梧南狩渺難知萬古湘灘想翠旗夔高諸臣無扈從  
皇英何事獨追隨鳥鳴盡作簫韶奏水碧長含竹淚垂  
咫尺堯山甥館近夜來風雨玉車馳

踈簾隱綠捲前楹恰有高樓照水明山少林衣嫌太瘦  
人薰花霧似微醒一春慳雨黃雲茂

粵西多雨今春久晴麥秋可卜

日和風白袷輕溪洞日斜晴曬網耳邊時聽打魚聲

懸知不是武陵家洞口桃花夾菜花數武虛明天一線  
迴峰曲折路三义室中隱隱聞仙樂天外轟轟走鈿車  
皇澤灣頭須記取石門犬吠隔烟霞

對床坐久落花殘脫帽無嫌禮數寬都爲春深憐客困  
寧因酒薄笑儒酸畫樓青遠舍天影銅鼓聲高逼暮寒  
時銅鼓  
亭初成未了催詩頭上雨是日  
微雨宵分青夢繞飛巒

宋皇祐平蠻碑

農家種糴家收童謠識應廣源州陳曙敗袁用走烽火  
崑崙關不守桓桓名將出河西請纓直上南天梯垂拱  
殿前一樽酒十萬騎蹴巒雲低親援枹鼓軍知律斬三  
十吏人股栗白磨銅面從天下熊羆痛飲犬羊血各當  
一隊圖白劾石長卿與余安道元規受命帷幄中三將

疾趨比電掃棄甲如山銅柱齊京觀高築封鯨鯢孽窠  
大字勒龍隱照耀萬禩西南陲其年詔下賞有差定功  
五等遷五資三十六人題名者左藏副使死綏下賊營  
夜遁聲烏烏不忍盡殺驅厥孥從者授官世其土食德  
想見皇祐初廣西邊境土司皆狄  
青時從征服役之人仁廟承平輕遠徼朱  
鷲以外阻聲教金函不報朝貢踈雷火頻婆遂屯贖摩  
崖太息愼安邊貪功漫擬銘燕然特磨阿儂轉戰終灰  
燼可憐士卒埋骨瘴江烟

署齋花鳥六詠

娟娟靜女出中春，旖旎風前欲泥人。  
一夢朝雲空墮淚，十年錦瑟但飛塵。  
夷猶湘渚招無路，寂寞遺山賦有神。  
風度依稀舊時樣，雪香洒向桂江濱。

梨花

石腸鉄骨亦生哀，楚玉身輕暖未回。  
畫角吹冰涼月上，高樓捲雪晚風催。  
幾畚南浦懷人遠，憶昨西湖踏影來。  
大庾嶺頭消息斷，一樽夜雨弔瓊瑰。

梅花

翡翠叢叢艷欲流，胭脂濃妬漢宮秋。  
凭欄休恨無姿態，照室深憐耐久留。  
紅玉不隨炎瘴滅，絳綃高捲畫屏幽。  
少香幸免搔頭摘，富貴端宜結綵樓。

山茶花

風生羅袂暗香浮草木南方第一流  
熱海偏移九天種蠻花那得四時秋  
長生術自淮山衍貫月槎從博望求

玉斧漫勞八千戶衰齡留伴枕雕鏤

月月桂

屏開金碧照華茵分得鸞鳳片羽新  
血可殺人休飲渴尾能耀首貴全身  
流黃生疾閨中婦貝錦深慚座上賓  
寄語雕題休弋獲

聖朝貢勿尙奇珍

孔雀

雕楹霞散翼初飛隴客攜來認賜緋  
火色如焚先自戢懸心不染信忘機  
蓮池曉踏傾朱鷺金偈寄持學雪衣

誤喚琵琶添舊恨，鳶江同渡約同歸。

紅鸚鵡

龍隱巖有陸放翁書詩境二字，乃嘉定七年方信儒重刻者，下有信儒龍巖七律二首，卽和其

韻題于後

淋漓大筆老蛟回，三度摹鐫腕力催。蜀道歸時公未歷，武夷遊後境重開。杏花春雨尋詩處，畫舫清溪載酒來。三寸元圭寶蘇室，雙鈎拂拭隔風埃。

往歲翁覃溪師懸詩境于寶蘇室又

自製墨而刻詩境陸游書于其上

青瘴蒸成赤水霞，玉泉吹出武陵花。詩翁畫扇空留影

遷客浮舟未有家

方信儒從廣西轉運罷歸復以提刑至見舊志

繞翠題名無

隙石怡雲訪勝想高車同游留待秋風至拄杖攜壺踏

淺沙

約襄山秋月同游也

書柳侯廟碑後

龍城之柳神所守誰其記者柳子厚驅厲鬼兮羅池碑  
誰其作者韓退之丹荔黃蕉祀神曲誰其書者蘇玉局  
三公文字照天地遷謫都遭造物忌循吏當時庇萬民  
忠良異代同精氣柳州城崩鬼夜哭板築未成怪物伏  
一碑中斷一碑完合璧何年置祠屋侯之來兮洞庭湖



潮州惠州路不紆靈旗並降船容與文教乃漸西南隅  
作使鬼神驅覘巫福我壽我言非誣俗吏膽寒拜且趨  
當官誰似柳韓蘇

邀袁山登銅鼓亭小飲卽送按試平梧諸郡

鱗差萬瓦跨峻嶒曲曲欄干面面憑放眼劑平青嶂礙  
置身高出白雲層耕桑雪澤人同樂笑語壺觴客載登  
百廢行將興次第據床坐嘯我無憎

三月停騫會不違朋箋馳送馬如飛尋春接軫風吹面  
小別傾樽月上衣水綠瘴江妨晚飲花濃蠻驛慎朝飢

使君去後詩應少日日樓頭盼客歸